

ხელშეკრულება №34

ქ. თბილისი

26 იანვარი 2016 წ.

ჩვენ, ქვემოთ ხელის მომწერნი, ერთი მხრივ-საქართველოს უზენაესი სასამართლო (შემდგომში - „შემსყიდველი“) მისი საფინანსო-სამეურნეო განყოფილების უფროსი ივანე კაპანაძე და მეორე მხრივ შპს „მბს“ (შემდგომში - „მიმწოდებელი“) მისი დირექტორი ანა ნებულიშვილი, საქართველოს მოქმედი კანონმდებლობის საფუძველზე, გამარტივებული შესყიდვის საშუალებით, ვდებთ ხელშეკრულებას შემდეგზე:

1. ხელშეკრულების საგანი

1.1. საქართველოს უზენაესი სასამართლო შპს „მბს“-საგან შეისყიდის დიქტოფონებს (CPV32332100).

2. ხელშეკრულების ღირებულება

2.1. დიქტოფონი SONY ICD-PX333 - 2 (ორი) ცალი, 1 (ერთი) ცალის ფასი 140 ლარი, სულ 280 ლარი.

2.2. ხელშეკრულების საერთო თანხა შეადგენს 280 (ორას ოთხმოცი) ლარს.

3. მიღება-ჩაბარების წესი

3.1. საქონელი გადაეცემა „შემსყიდველს“ ხელშეკრულების გაფორმებიდან არაუმეტეს 3 (სამი) კალენდარული დღის განმავლობაში შემდეგ მისამართზე - ქ. თბილისი, შევჩენკოს ქ. №5.

3.2. საქონელი ჩაითვლება მიღებულად მხოლოდ საანგარიშსწორებო დოკუმენტაციის გაფორმების შემდეგ.

4. ანგარიშსწორების პირობები

4.1. საქონლის ღირებულებას „შემსყიდველი“ იხდის საქართველოს ეროვნული ვალუტით, საანგარიშსწორებო დოკუმენტაციის გაფორმების საფუძველზე, უნაღდო ანგარიშსწორებით „მიმწოდებლის“ მიერ მითითებული რეკვიზიტების მიხედვით, მხარეთა შორის წინასწარ შეთანხმებული ფასების შესაბამისად.

4.2. ანგარიშსწორების ვადა (გრაფიკი): საანგარიშსწორებო დოკუმენტაციის გაფორმებიდან 7 (შვიდი) კალენდარული დღე.

5. ცვლილებები

5.1. ხელშეკრულებაში წინასწარ შეთანხმებული ფასების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველისათვის“. ცვლილებები შეიძლება განხორციელდეს მხოლოდ „საქართველოს სამოქალაქო კოდექსის“ 398-ე მუხლის თანახმად.

5.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

6. ფორს-მაჟორი

6.1. ხელშეკრულების პირობების დარღვევად არ ჩაითვლება შემთხვევა, როცა რომელიმე მხარე ვერ მოახერხებს თავისი მოვალეობის შესრულებას საყოველთაოდ აღიარებული ფორს-მაჟორული მოვლენების ზემოქმედების გამო.

6.2. ფორს-მაჟორული გარემოებების აღმოფხვრის შემდეგ მხარეები შეთანხმდებიან ხელშეკრულებით ნაკისრი ვალდებულებების შესრულების ახალ ვადებზე.

7. ხელშეკრულების შესრულების კონტროლი

7.1. ხელშეკრულების შესრულების კონტროლის განხორციელების მიზნით „შემსყიდველ“ ორგანიზაციაში გამოყოფილია კოორდინატორი – უფროსი კონსულტანტი სამეურნეო ნაწილში მამუკა ჩარკვიანი.

7.2. კოორდინატორების ფუნქციებია: შესყიდული საქონლის რაოდენობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება, ხელშეკრულების პირობების თანახმად „მიმწოდებელთან“ ანგარიშსწორების პროცესის რეგულირება.

8. მხარეთა უფლება – მოვალეობანი

8.1. საგარანტიო ვადის გასვლამდე (6 თვე მიღება-ჩაბარების აქტის გაფორმებიდან) ქარხნული წუნის შემთხვევაში, მიმწოდებელი ვალდებულია შეაკეთოს დაზიანებული დიქტოფონი ან შეცვალოს იგი იგივე ან გაუმჯობესებული პარამეტრების მქონე დიქტოფონით, თუ დაზიანება არ ექვემდებარება აღდგენას.

8.2. წინამდებარე ხელშეკრულების პირობები ვრცელდება მხარეებსა და მათ წარმომადგენლებზე.

9. მხარეთა პასუხისმგებლობა

9.1. ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც განისაზღვრება ჯარიმით – ხელშეკრულების საერთო თანხის 0,1%-ის ოდენობით ყოველ ვადაგადაცილებულ დღეზე.

10. დავები და მათი გადაწყვეტის წესი

10.1. ხელშეკრულებიდან გამომდინარე წარმოშობილი სადავო საკითხები წყდება მხარეთა ურთიერთშეთანხმების გზით. უთანხმოების შემთხვევაში დავა განიხილება სასამართლოში საქართველოს კანონმდებლობის შესაბამისად.

11. ხელშეკრულების მოქმედების ვადა

11.1. მხარეებს შეუძლიათ ცალმხრივად ვადაზე ადრე მოშალონ წინამდებარე ხელშეკრულება, თუ რომელიმე მხარე არღვევს ხელშეკრულების პირობებს.

11.2. ხელშეკრულება ძალაში შედის 2016 წლის 26 იანვრიდან და მოქმედებს 2016 წლის 2 მარტამდე.

12. ხელშეკრულების სხვა პირობები

12.1. წინამდებარე ხელშეკრულება შედგენილია თანაბარი იურიდიული ძალის მქონე სამ ეგზემპლარად (ორი – „შემსყიდველს“, ერთი – „მიმწოდებელს“).

მხარეთა რეკვიზიტები

„შემსყიდველი“

საქართველოს უზენაესი სასამართლო
ს/კ 203860508

ძმ. ზუბალაშვილების №32

ტელ. 299 09 62; 292 18 35.

ანგარიში:

სახელმწიფო ხაზინა

კოდი TRESGE22

ანგ. №GE24NB0330100200165022

„მიმწოდებელი“

შპს „მბს“

ს/კ 203838277

ქ. თბილისი, ვირსალაძის ქ. №8

ტელ: 299 77 12; 299 86 96.

ანგარიში:

ს/ს „თი ბი სი ბანკი“

ბანკის კოდი TBCBGE22

ანგ. № GE55 TB18 8893 6020 1000 05

ი. კაპანაძე



თ. უშვერიძე

პასუხისმგებელი შემსრულებელი



ა. ნებულიშვილი